

# Reglur um innritun og gjöld í leikskólum Hveragerðisbæjar



Fyrir hverja er leikskólinn?

Hveragerðisbær býður uppá leikskóladvöl fyrir börn frá 18 mánaða aldri og til 6 ára aldurs skv. lögum um leikskóla nr. 90, frá 12. júní 2008. Ef laus pláss eru á leikskólum er heimilt að taka inn börn frá 16 mánaða aldri. Að jafnaði skal miða við að leikskóladvöl hefjist eftir sumarleyfi leikskóla.

Hvar á að sækja um leikskóladvöl?

Sækja má um leikskólavistun frá og með þeim degi sem barn verður 12 mánaða gamalt. Umsóknir skulu vera skriflegar á þar til gerðum eyðublöðum sem liggja frammi á bæjarskrifstofu. Á heimasíðu Hveragerðisbæjar má finna umsóknareyðublöð ásamt upplýsingum um mögulega vistunartíma og gjaldskrá leikskólanna á hverjum tíma.

Hver getur sótt um leikskóladvöl?

Foreldrum og forráðamönnum er heimilt að sækja um leikskóla-pláss enda er lögheimili þeirra og barnsins skráð í Hveragerði. Ef foreldrar eða forráðamenn hyggjast flytja í sveitarfélagið geta þeir sótt um leikskóladvöl en barn fær ekki úthlutað leikskólaplássi fyrr en lögheimili hefur verið flutt og skulu foreldrar tilkynna sérstaklega um lögheimilisflutninginn til bæjarskrifstofu. Inntaka barna er háð því skilyrði að foreldrar/forráðamenn séu ekki í vanskilum í leikskólum sveitarfélagsins.

Eftir hvaða reglum er barni boðin dvöl á leikskóla?

Leikskólaplássum er úthlutað, ef öllum öðrum skilyrðum er fullnægt, eftir dagsetningu umsóknar og reglum um forgang.

Reglur um forgangsröðun barna í leikskólum Hveragerðisbæjar eru eftirfarandi:

- Forgang á forgang hafa börn með fötlun og skal þá greining vera fyrirbyggjandi.
- Börn sem búa við erfiðar félagslegar aðstæður samkvæmt mati félagsmálastjóra Hveragerðisbæjar.

- Fjögurra og fimm ára börn.
- Ef breytinga er óskað? Óski foreldrar/forráðamenn eftir verulegri breytingu á vistunartíma fyrir barn sem þegar er á leikskólum bæjarins skal fylla út nýja umsókn og skila til viðkomandi leikskólastjóra. Breytingarnar taka gildi 1. eða 15. hvers mánaðar.
- Hvernig á að segja upp vistun? Gagnvirkur uppsagnarfrestur á leikskólaplássi er 1 mánuður og skal miða uppsögn við 1. eða 15. hvers mánaðar. Leikskóladvöl skal segja upp skriflega á eyðublöðum sem leikskólastjórar hafa.
- Gjaldskrá: Bæjarstjórn ákveður gjaldskrá leikskóla. Breytingar eru að jafnaði gerðar einu sinni á ári um leið og tekjuforsendur bæjarins eru ákveðnar.
- Afsláttur leikskólagjalda: Afsláttur af leikskólagjöldum er veittur eftirfarandi:
  - Systkinum
  - Einstæðum foreldrum
  - Námsmönnum
  - Elsta árgangi leikskólabarna
  - Foreldrum og forráðamönnum sem sótt hafa foreldrafærninámskeið
- Systkini: Systkinaafsláttur gildir á milli dagmæðra, leikskóla og frístundaskóla og er hann eftirfarandi:
  - Yngsta barn greiðir fullt verð.
  - Næst yngsta systkinið fær 30% afslátt
  - Þriðja yngsta systkinið fær 100% afslátt
  - Fjórða yngsta systkinið fær 100% afslátt o.s.frv.
- Einstæðir foreldrar: Einstæðir foreldrar fá 30% afslátt af dagvistunargjöldum. Einstæðir foreldrar njóta ekki jafnframt námsmannaafsláttar.
- Námsmenn: Námsmenn í fullu námi fá 15% afslátt. Séu báðir foreldrar í námi er veittur 30% afsláttur.

Til að fá námsmannaafslátt þurfa námsmenn að vera í háskólanámi. Taka þarf fram á vottorði að um fullt nám (30 ECTS einingar) hafi verið að ræða. Afsláttur er einnig veittur námsmönnum sem stunda nám í framhaldsskóla að lágmarki 17 einingar á önn, í dagskóla. Skila þarf skólavottorði þar sem fram koma upplýsingar um einingafjölda og staðfesting á því að um fullt nám í dagskóla hafi verið að ræða. Námsmenn þurfa að ljúka að lágmarki 22 ECTS-einingum eða ígildi þeirra til að eiga rétt á afslætti. Námsmenn skulu staðfesta nám sitt með staðfestingu

viðkomandi skóla á námsárangri í lok annar og fá þá greiddan afsláttinn næsta mánuð/mánuði. Vottorði skal skilað til viðkomandi leikskólastjóra fyrir 20. mánaðardag eigi niðurgreiðslan að koma til framkvæmda næstu mánaðarmót þar á eftir.

Námsmenn greiða almennt gjald á sumarönn, þ.e. frá 1. júní - 31. ágúst, nema þeir stundi sumarnám sem skal þá vottast á sama hátt og annað nám.

Elsti árgangur  
leikskólabarna:

Leikskóli er gjaldfrjálst í fjórar klukkustundir á dag fyrir nemendur í útskriftarárgangi leikskólanna frá 1. september ár hvert.

Foreldrafærninámskeið

Foreldrar og forráðamenn sem sótt hafa foreldrafærninámskeið fá afslátt af leikskólagjöldum.  
Afslátturinn er 5 % af vistunargjaldi.

Fæðiskostnaður:

Afsláttur af leikskólagjöldum gildir ekki af fæði en þar skal ávallt greiða fullt gjald án afsláttar.

Fjarvistir:

Enginn afsláttur er veittur af gjöldum þótt börn séu fjarverandi um tíma nema um langvarandi fjarveru vegna alvarlegra veikinda sé að ræða (mánuð eða meira) og skal þá veikindavottorð hafa borist leikskólastjóra. Ef félagslegar aðstæður valda langvinnum fjarvistum er heimilt að fella niður leikskólagjöldin að höfðu samráði við félagsmálastjóra.

Vanskil:

Verði vanskil meiri en þrjú mánuðir er foreldrum/forráðamönnum gerð grein fyrir því að barnið muni missa pláss sitt á leikskólanum eftir 10 daga verði ekki þegar gripið til úrbóta.

Leikskólastjórar fá mánaðarlega yfirlit frá skrifstofu varðandi vanskil og geta því stutt við innheimtu og úrræði.

Samþykkt af bæjarstjórn þann 11. september 2014. .

Aldís Hafsteinsdóttir  
Bæjarstjóri